




თერჯოლის მუნიციპალიტეტის  
საკრებულოს ბიუროს სხდომის  
ოქმი № 3



ქ.თერჯოლა

4 მარტი 2025 წელი

ან. ჭანტურიძის ქ. №7

სხდომას უძღვებოდა: საკრებულოს თავმჯდომარე გიორგი ბარათაშვილი.

სხდომას ესწრებოდნენ ბიუროს წევრები: 1. გიორგი ბარათაშვილი, 2. დავით გოგბერაშვილი, 3. ჯემალ ისაკაძე, 4. ბადრი ბუცხრიკიძე, 5. თემური ქოჩიაშვილი, 6. ბიძინა ბუცხრიკიძე, 7. შალვა ჭანკვეტაძე, 8. გოჩა ვერულაშვილი, 9. გრიგოლ გიორგაძე, 10. ნინო ჩხიკვაძე, 11. ტარიელ ფანჩულიძე.

სხდომას არ ესწრებოდნენ: 1. კახა ბუცხრიკიძე,

საკრებულოს ბიუროს სიითი შემადგენლობა: 12 წევრი

დამსწრე წევრთა რაოდენობა: 11

კვორუმი: 7 წევრი

დღის წესრიგი:

1. „თერჯოლის მუნიციპალიტეტის 2025 წლის ადგილობრივი ბიუჯეტის დამტკიცების შესახებ“ თერჯოლის მუნიციპალიტეტის საკრებულოს 2024 წლის 04 დეკემბრის N18 დადგენილებაში ცვლილებების შეტანის თაობაზე (თერჯოლის მუნიციპალიტეტის მერის N28-282506350 წერილი, 24.02.2025 წ.);  

/მომხს.თ.ქოჩიაშვილი/
2. „თერჯოლის მუნიციპალიტეტის 2025 წლის ბიუჯეტის შემოსულობებსა და გადასახდელებში ასახვის შესახებ“ ინფორმაცია (თერჯოლის მუნიციპალიტეტის მერის N28-282504868 წერილი, 17.02.2025 წ.);  

/მომხს.თ.ქოჩიაშვილი/
3. 2025 წელს თერჯოლის მუნიციპალიტეტში „სოფლის მხარდაჭერის პროგრამის“ ფარგლებში განსახორციელებელი პროექტების ნუსხის დამტკიცების შესახებ (თერჯოლის მუნიციპალიტეტის მერის N28-28250621 წერილი, 03.03.2025 წ.);  

/მომხს. ბ.ბუცხრიკიძე/

4. თერჯოლის მუნიციპალიტეტის საკუთრებაში არსებული ქონების საპრივატიზებო ობიექტების ნუსხისა და პრივატიზაციის გეგმის დამტკიცების შესახებ (თერჯოლის მუნიციპალიტეტის მერის N28-282505971 წერილი, 28.02.2025 წ);

5. „თერჯოლის მუნიციპალიტეტში რეგისტრირებული აუტისტური სპექტრის მქონე ბავშვთა რეაბილიტაცია/აბილიტაციის 2025 წლის პროგრამის დამტკიცების შესახებ“ თერჯოლის მუნიციპალიტეტის საკრებულოს 2025 წლის 15 იანვრის N გ-29-292501512 განკარგულებაში ცვლილების შეტანის თაობაზე (თერჯოლის მუნიციპალიტეტის მერის N28-282505747 წერილი, 26.02.2025 წ);

/მომხს.შ.ჭანკვეტაძე/

6. თერჯოლის მუნიციპალიტეტის პერსონალური ასისტენტის სერვისის პროგრამის დამტკიცების შესახებ (თერჯოლის მუნიციპალიტეტის მერის N28-28250574 წერილი, 26.02.2025 წ);

/მომხს: შ.ჭანკვეტაძე/

7. თერჯოლის მუნიციპალიტეტის სოფელ კვახჭირის მე-9 ქუჩისათვის გივი სახელაშვილის სახელის მინიჭების მიზანშეწონილობის შესახებ.

/მომხს: ბ.ბუცხრიკიძე/

კენჭისყრის შედეგები: მომხრე - 11, წინააღმდეგი - 0

დღის წესრიგი დამტკიცდა წარმოდგენილი სახით.

1.

მოისმინეს: მომხსენებელმა, საკრებულოს საფინანსო-საბიუჯეტო კომისიის თავმჯდომარემ თემურ ქოჩიაშვილმა ბიუროს წევრებს გააცნო „თერჯოლის მუნიციპალიტეტის 2025 წლის ადგილობრივი ბიუჯეტის დამტკიცების შესახებ“ თერჯოლის მუნიციპალიტეტის საკრებულოს 2024 წლის 04 დეკემბრის N18 დადგენილებაში ცვლილების შეტანის თაობაზე დადგენილების პროექტი - თერჯოლის მუნიციპალიტეტის 2025 წლის ადგილობრივი ბიუჯეტის ცვლილება გამოიწვია მთავრობის განკარგულებამ და ხარჯვითი ნაწილის კორექტირებამ.

ბიუჯეტის მთლიანი მოცულობა გაიზარდა 180.00 ათასი ლარით და შეადგენს 31792.6 ათას ლარს. საშემოსავლო ნაწილი გაიზარდა 1800.0 ათასი ლარით. გრანტი (ფინანსური დახმარება 1500.0 ათასი ლარი და სტიქია 300.0 ათასი ლარი).

ხარჯვითი ნაწილი გაიზარდა 1800.0 ლარით. მ/შორის:

გზებისა და ხიდების, მიმდებარე ტერიტორიების მშენებლობის, რეკონსტრუქციისა და მოვლა შენახვის ხარჯი გაიზარდა 300.0 ათასი ლარით.

დასუფთავებისა და კეთილმოწყობის სამსახურის დაფინანსება გაიზარდა 300.0 ათასი ლარით.

სკოლამდელი აღზრდის დაწესებულებების მართვის დაფინანსება გაიზარდა 30.0 ათასი ლარით.

სკოლამდელი აღზრდის დაწესებულებების დაფინანსება გაიზარდა 720.0 ათასი ლარით.  
სკოლისგარეშე განათლების დაფინანსება გაიზარდა 70.0 ათასი ლარით.  
სპორტული სკოლის დაფინანსება გაიზარდა 125.0 ათასი ლარით.  
სახელოვნებო განათლების კულტურისა და ტურიზმის განვითარების ხელშეწყობის დაფინანსება გაიზარდა 50.0 ათასი ლარით.  
სახელოვნებო სკოლების დაფინანსება გაიზარდა 50.0 ათასი ლარით.  
ბიბლიოთეკების დაფინანსება გაიზარდა 39.0 ათასი ლარით.  
კულტურის სახლის დაფინანსება გაიზარდა 95.0 ათასი ლარით.  
მუზეუმების დაფინანსება გაიზარდა 21.0 ათასი ლარით.

აზრი გამოთქვს: ბიუროს წევრებს აზრი არ გამოუთქვამთ.

კენჭისყრის შედეგები: მომხრე -11, წინააღმდეგი - 0

გადაწყვიტეს: შეტანილ იქნას საკრებულოს სხდომის დღის წესრიგში საკითხი „თერჯოლის მუნიციპალიტეტის 2025 წლის ადგილობრივი ბიუჯეტის დამტკიცების შესახებ“ თერჯოლის მუნიციპალიტეტის საკრებულოს 2024 წლის 04 დეკემბრის N18 დადგენილებაში ცვლილების შეტანის თაობაზე.

2.

მოისმინეს: მომხსენებელმა, საკრებულოს საფინანსო-საბიუჯეტო კომისიის თავმჯდომარემ თემურ ქოჩიაშვილმა ბიუროს წევრებს გააცნო ინფორმაცია „თერჯოლის მუნიციპალიტეტის 2025 წლის ბიუჯეტის შემოსულობებსა და გადასახდელებში ასახვის შესახებ“ - ბიუჯეტის მთლიანი მოცულობა გაიზარდება - 157.0 ათასი ლარით (გრანტი) და შეადგენს 29992.6 ათას ლარს.  
საშემოსავლო ნაწილი გაიზარდა 157.0 ათასი ლარით გრანტი (სტიქიის შედეგების სალიკვიდაციოდ).  
ხარჯვითი ნაწილი გაიზარდა 157.0 ათასი ლარით. კომუნალური მეურნეობის განვითარება, სტიქიის შედეგების სალიკვიდაციოდ.

აზრი გამოთქვს: ბიუროს წევრებს აზრი არ გამოუთქვამთ.

კენჭისყრის შედეგები: მომხრე -11, წინააღმდეგი - 0

გადაწყვიტეს: შეტანილ იქნას საკრებულოს სხდომის დღის წესრიგში საკითხი „თერჯოლის მუნიციპალიტეტის 2025 წლის ბიუჯეტის შემოსულობებსა და გადასახდელებში ასახვის შესახებ“ ინფორმაცია.

3.

მოისმინეს: მომხსენებელმა, საკრებულოს ეკონომიკისა და ქონების მართვის საკითხთა კომისიის თავმჯდომარემ ბადრი ბუცხრიკიძემ ბიუროს წევრებს გააცნო 2025 წელს თერჯოლის მუნიციპალიტეტში „სოფლის მხარდაჭერის პროგრამის“ ფარგლებში განსახორციელებელი პროექტების ნუსხის დამტკიცების შესახებ განკარგულების პროექტი - თერჯოლის

მუნიციპალიტეტს საქართველოს მთავრობის 2025 წლის 16 იანვრის №53 განკარგულების საფუძველზე, „სოფლის მხარდაჭერის პროგრამის“ ფარგლებში განსახორციელებელი პროექტების დაფინანსების მიზნით გამოეყო 690000 ლარი, მუნიციპალიტეტის სოფლებში მ/წლის 10 თებერვლიდან 14 თებერვლის ჩათვლით ჩატარდა სოფლის საერთო კრებები და კონსულტაციები საპროექტო წინადადებების შერჩევის მიზნით, რომელიც წარმოდგენილია დანართის სახით.

**აზრი გამოთქვას:** ბიუროს წევრებს აზრი არ გამოუთქვამთ.

**კენჭისყრის შედეგები:** მომხრე -11, წინააღმდეგი - 0

**გადაწყვიტეს:** შეტანილ იქნას საკრებულოს სხდომის დღის წესრიგში საკითხი 2025 წელს თერჯოლის მუნიციპალიტეტში „სოფლის მხარდაჭერის პროგრამის“ ფარგლებში განსახორციელებელი პროექტების ნუსხის დამტკიცების შესახებ.

4.

**მოისმინეს:** მომხსენებელმა, საკრებულოს ეკონომიკისა და ქონების მართვის საკითხთა კომისიის თავმჯდომარემ ბადრი ბუცხრიკიძემ ბიუროს წევრებს გააცნო თერჯოლის მუნიციპალიტეტის საკუთრებაში არსებული ქონების საპრივატიზებო ობიექტების ნუსხისა და პრივატიზაციის გეგმის დამტკიცების შესახებ განკარგულების პროექტი.

**აზრი გამოთქვას:** სხდომის თავმჯდომარემ ბ/ნ გიორგი ბარათაშვილმა საკრებულოს წევრებს განუმარტა, რომ ამ ეტაპისთვის თავი შეეკავებინათ საპრივატიზებო ობიექტების ნუსხის ჩამონათვალიდან ერთ-ერთ ობიექტზე, კერძოდ: არასასოფლო-სამეურნეო დანიშნულების 625.00 კვ.მ . მიწის ნაკვეთი, საკადასტრო კოდი 33.09.42.1012 და არ გავიდეს საკრებულოს სხდომაზე.

**სხდომის თავმჯდომარემ საკითხი კენჭისყრაზე დააყენა აღნიშნული ცვლილებით.**

**კენჭისყრის შედეგები:** მომხრე -11, წინააღმდეგი - 0

**გადაწყვიტეს:** შეტანილ იქნას საკრებულოს სხდომის დღის წესრიგში თერჯოლის მუნიციპალიტეტის საკუთრებაში არსებული ქონების საპრივატიზებო ობიექტების ნუსხისა და პრივატიზაციის გეგმის დამტკიცების შესახებ განკარგულების პროექტი, შესწორებული სახით.

5.

**მოისმინეს:** მომხსენებელმა, საკრებულოს ჯანდაცვისა და სოციალურ საკითხთა კომისიის თავმჯდომარემ შალვა ჭანკვეტაძემ ბიუროს წევრებს გააცნო „თერჯოლის მუნიციპალიტეტში რეგისტრირებული აუტისტური სპექტრის მქონე ბავშვთა რეაბილიტაცია/აბილიტაციის 2025 წლის პროგრამის დამტკიცების შესახებ“ თერჯოლის მუნიციპალიტეტის საკრებულოს 2025 წლის 15 იანვრის N გ-29-292501512 განკარგულებაში ცვლილების შეტანის თაობაზე განკარგულების პროექტი - 2025 წლის 15 იანვარს საკრებულოს მიერ დამტკიცებული იქნა თერჯოლის მუნიციპალიტეტში რეგისტრირებული აუტისტური სპექტრის მქონე ბავშვთა რეაბილიტაცია/აბილიტაციის 2025 წლის პროგრამა, რომელიც ითვალისწინებს „თერჯოლის მუნიციპალიტეტში რეგისტრირებული სოციალურად დაუცველი ოჯახების (სარეიტინგო

ქულა 12 000 ის ჩათვლით) ბავშვთა (2-7 წლამდე) ადრეული განვითარების ხელშეწყობას/ დაფინანსებას. აღნიშნული კრიტერიუმში საჭიროებს ცვლილებას შემდეგი გარემოების გამო: მუნიციპალიტეტის მერიას განცხადებით, მომართა განვითარების ზოგადი აშლილობის დიაგნოზის მქონე მოქალაქეებმა, რომლებიც ვერ აკმაყოფილებენ ზემოთ მითითებულ კრიტერიუმებს. შესაბამისად ჩვენს მიერ წარმოდგენილი ცვლილებით შესაძლებელი გახდება პროგრამით ისარგებლონ თერჯოლის მუნიციპალიტეტში რეგისტრირებული 2-16 წლამდე ICD10 პროგრამის ვალიდური დიაგნოზის მქონე ბენეფიციარებმა. წარმოდგენილი დოკუმენტაციისა და სოციალური მუშაკის სკრინინგის ფორმის ან/და ბავშვისა და ოჯახის შეფასების და დასკვნის მიხედვით და რომელთა სარეიტინგო ქულა სოციალურად დაუცველი ოჯახების მონაცემთა ერთიანი ბაზის მიხედვით 200 001 ქულამდეა.

აზრი გამოთქვას: ბიუროს წევრებს აზრი არ გამოუთქვამთ.

კენჭისყრის შედეგები: მომხრე -11, წინააღმდეგი - 0

გადაწყვიტეს: შეტანილ იქნას საკრებულოს სხდომის დღის წესრიგში საკითხი „თერჯოლის მუნიციპალიტეტში რეგისტრირებული აუტისტური სპექტრის მქონე ბავშვთა რეაბილიტაცია/აბილიტაციის 2025 წლის პროგრამის დამტკიცების შესახებ“ თერჯოლის მუნიციპალიტეტის საკრებულოს 2025 წლის 15 იანვრის N გ-29-292501512 განკარგულებაში ცვლილების შეტანის თაობაზე.

6.

მოისმინეს: მომხსენებელმა, საკრებულოს ჯანდაცვისა და სოციალურ საკითხთა კომისიის თავმჯდომარემ შალვა ჭანკვეტაძემ ბიუროს წევრებს გააცნო თერჯოლის მუნიციპალიტეტის პერსონალური ასისტენტის სერვისის პროგრამის დამტკიცების შე სახებ დადგენილების პროექტი - მუნიციპალიტეტის პერსონალური ასისტენტის სერვისების პროგრამის მიზანია შშმ პირთა დამოუკიდებელი ცხოვრებისა და საზოგადოებაში ინტეგრირების ხელშეწყობა, პერსონალური ასისტენტების საშუალებით.

პროგრამის ამოცანაა პროგრამით დადგენილი კრიტერიუმების შესაბამისად სახელმწიფოსგან დელეგირებული უფლებამოსილების განხორციელებისათვის გამოყოფილი მიზნობრივი ტრანსფერის ფარგლებში მომსახურების მიმღები პირისთვის პერსონალური ასისტენტის სერვისის მიწოდება, რომელმაც უნდა უზრუნველყოს მომსახურების მიმღებთა მიერ ინდივიდუალურ საჭიროებებზე, ფუნქციურ შესაძლებლობებსა და მოთხოვნებზე მორგებული მომსახურების მიღება, ხელი შეუწყოს მათ საკუთარ ცხოვრებაზე კონტროლის განხორციელებაში, დამოუკიდებლობის ხარისხის გაზრდასა და სოციალურ აქტივობაში.

აზრი გამოთქვას: ბიუროს წევრებს აზრი არ გამოუთქვამთ.

კენჭისყრის შედეგები: მომხრე -11, წინააღმდეგი - 0

გადაწყვეტეს: შეტანილ იქნას საკრებულოს სხდომის დღის წესრიგში საკითხი თერჯოლის მუნიციპალიტეტის პერსონალური ასისტენტის სერვისის პროგრამის დამტკიცების შე სახებ.

7.

მოისმინეს: მომხსენებელმა საკრებულოს იურიდიულ საკითხთა კომისიის თავმჯდომარემ ბიუროს წევრებს გააცნო ' თერჯოლის მუნიციპალიტეტის სოფელ კვახჭირის მე-9 ქუჩისათვის გივი სახელაშვილის სახელის მინიჭების მიზანშეწონილობის შესახებ განკარგულების პროექტი.

აზრი გამოთქვას: ბიუროს წევრებს აზრი არ გამოუთქვამთ.

კენჭისყრის შედეგები: მომხრე -11, წინააღმდეგი - 0

გადაწყვეტეს: შეტანილ იქნას საკრებულოს სხდომის დღის წესრიგში საკითხი თერჯოლის მუნიციპალიტეტის სოფელ კვახჭირის მე-9 ქუჩისათვის გივი სახელაშვილის სახელის მინიჭების მიზანშეწონილობის შესახებ.

სხდომის თავმჯდომარემ, გიორგი ბარათაშვილმა თერჯოლის მუნიციპალიტეტის საკრებულოს 2025 წლის 04 მარტის საკრებულოს ბიუროს სხდომის დასრულებად გამოაცხადა.

საკრებულოს თავმჯდომარე  
გიორგი ბარათაშვილი

